

綸

扉

奏

草

給屏奏草卷之二十八

回奏

潞王薨逝摺

該文書官冉登捧出

聖諭到閣諭內閣朕覽河南撫按官奏報朕弟潞王乃囚思慕

聖母仙逝成恙未愈偶爾痰火上壅於五月十五日辰時薨逝朕甚悼切傷感合行事宜卿等卽著該部查優厚例出旨朕欲遣一內官往弔卿等可詳議來行特諭欽此竊惟

潞王爲

皇上同氣周親分封以來素昭令德謂宜永膺福祉與國同休今乃以追思

聖母之故一旦薨逝是其孝本因心毀至滅性王之賢固因此益彰而其情亦可悲已

皇上友于之愛篤於平時况值此大變能無孔懷之戚悼切傷感在

聖心誠有不能自己者除合行事宜應從優厚臣等卽遵

諭傳示該部查例外其

欽遣內官往弔出自

皇上特恩以恤

潞王之私則爲至仁以推

聖母之慈則爲至孝情禮無至度越尋常臣等不勝欣服其常用祭文祭儀及應行諸事容臣等再加酌議奏請惟望

皇上抑情就禮保攝

聖躬臣等不勝至願所有

聖諭尊藏在閣謹先具回奏以

聞

萬曆四十二年五月二十七日

親藩薨逝恭慰

聖懷疏

奏爲

親藩薨逝恭慰

聖懷事臣等竊觀我

皇上孝友之性超古帝王頃者

聖母升遐已深哀痛乃茲復有

潞王之變在

王旣因思慕

聖母而傷生在

皇上必且篤念

賢王而增悼骨肉手足至情臣知

聖心之難以自解也但

聖躬爲

宗社蒼生所倚賴當以天下國家爲重

勉抑哀情以慰幽明之望臣等聞之盛衰禍福相

爲倚伏

皇上臨御四十餘年太平有道之長單厚多益之

慶千古僅見乃日來

宮闈天性之間亦多故矣

聖母崩

皇太子妃逝

皇太子第四子殤今

潞王又繼之事變相仍

宸衷慘怛臣等不勝杞憂伏望

聖明葆蓄精神以

親政務而無益之嗜好悉捐

廣收名德以備股肱而久滯之成心盡化予以

培前休而篤後祐是尤臣等惓惓愛

君之一念也臣等不勝悚息懇切之至奉

奏草

卷三

四



聖旨覽卿等奏慰具見忠愛朕知道了禮部知道

萬曆四十二年五月三十日

回奏遣內官弔

潞王揭

前蒙

聖諭以

潞王薨逝欲遣內官往弔臣等仰見

皇上誼篤天倫

恩隆同氣一以廣因心之友愛一以體

聖母之慈懷仁孝並行情禮兼備甚

盛舉也臣等稽諸往例凡

親王妃薨率遣內官弔祭給與

勅書若

親王則無內官致祭之例今

皇上有此特典合無容臣等撰

勅一道令資之以往於以彰

朝廷之殊卹增

藩國之休光此亦禮之可以義起者臣等又查

得凡

親王薨逝其子幼弱不能任事者即

勅王妃管理府事但舊例必待本府議撫按官奏

請方爲題准今

詔王於

皇上手足體親與他藩原自不同卽破格優恤亦  
不爲過合無

勅下該部照例具題

勅令

王妃管理本府家事免其奏請是又

皇上憫死恤孤之德意超出尋常而非臣等所敢  
擅定也伏惟

聖明裁奪發下施行奉

聖旨覽卿等所奏甚悉朕意朕弟潞王薨逝特遣

內官往弔著給與勅書其祭儀及管理府事著  
該部照例詳議具奏來行

萬曆四十二年六月初一日

遵

命題

主疏

奏爲

君命難違臣義當決萬不得已苟延旬日以完

大禮事該臣以病乞歸因條陳緊要時政奉

旨朕覽卿奏直陳時政切要具見愛君憂國之誠

補大僚諸事稍俟檢發起廢亦當詳覽施行高

宗事知道了卿雖調攝在寓常以國事爲心何

乃堅卧求去屢諭不起矧今

聖母梓宮發引期迫卿宜遵旨卽出共襄典禮以  
慰朕懷慎勿再辭該部知道又該禮部題爲喪  
禮事奉

旨題

主大學士葉向高欽此臣以不才積愆深重頻辱  
聖慈疊勤

慰諭至以題

主大禮屬之匪人臣且感且愧意欲具辭而自念

受

聖母厚恩

皇上命以供役義不當辭且同官臣從哲在閣中辦事勢不能往又無可辭臣雖病也尚當匍匐扶携以完此事禮成之日望

皇上速放臣歸臣若復輟顏抱病再入

綸扉則是良心盡死不當視息于人世矣其諸

切要時政

明旨謂儉發施行者望

皇上留神蚤發高宗之拘留同知人情惶惶朝不謀夕如使同知有意外之虞則地方之禍愈深宗之罪愈大將來更爲難處



皇上諭臣以知道知

聖心已有一定之處分惟

卷斷一日則地方蚤安一日而

皇上亦省一日之煩貼此臣之所冒昧瀆祈而不

能自己者也至于李朴未上疏之先臣若知

其姓名既上疏之後臣若與有往返天地鬼

神當共誅殛部覆降調臣與同官屢請

批發有何私意紛紛議論東牽西扯皆臣耳目之

所未及心思之所未到臣聞大臣被言義當

引咎不宜置辯身將隱矣焉用文之惟是以

臣生平之伎倆今日之權力又五日京兆猶  
煩諸臣之過計鰓鰓虞其害人則臣罪矣臣  
不勝悚息惶懼之至奉

聖旨覽奏知卿遵命恭請

山陵題

主具見忠敬高家朕卽有處分可候旨行李朴妄  
言原與卿無干何必置辯卿宜安心事完卽入  
閣佐理以慰朕懷該部知道

萬曆四十二年六月初二日

請分遣大臣護喪揭

昨蒙

發下禮部本以

聖母皇太后發引請

點文武大臣分送其勳戚武職諸臣恭候

聖明點用無容再議惟是九卿堂上官見在止七

八員除禮工二部侍郎以職事當行外止五

六員以舊制論之卽空國而行猶爲未備若

盡點以去則部院卿貳無一人在京豈成事

體且以都城之廣大

宮禁之崇嚴居守無人空虛可慮此又臣等所  
爲凜凜也伏望

皇上查照前開職名除侍郎孫慎行林如楚外再  
點一二員使之恭詣

山陵沿途護送其餘俱免分送今在木衙門辦事  
庶行者有人則

大禮不廢居者有人則重地無虞此時勢之不得  
不然而非臣等所敢專也伏候

聖裁

萬曆四十二年六月初四日

請申飭防守揭

恭遇

聖母皇太后梓宮發引在

皇上竭誠以襄大事在群臣循分以效微勞萬衆  
奔趨群情鼓舞

皇上無窮之孝思亦可少慰矣惟是內外大小官  
員及旗校軍匠人等幾於舉國而行內地空  
虛不無可慮且以都城之廣大

宮禁之崇嚴當法度廢弛之餘人心玩愒之後  
合宜申飭用警疎虞伏乞

嚴諭兵部行令該管衙門各遵職業申明禁令巡緝姦宄隄備非常務比平時十分加謹以保無虞庶

天語一頒人心震肅安京邑而真

宸居實目前之要務也臣等謹僭擬

諭旨一道仰乞

聖明裁改發下施行適聞兵部將有條陳之疏亦

望

皇上留神速賜批發中外幸甚臣等幸甚

萬曆四十二年六月初六日

回奏

聖諭扶掖躬送

梓宮揭

該文書官張文元捧出

聖諭到閣諭內閣朕自足疾遇朔望并各節皆朝  
謁

聖母

聖母見朕足痛步履不便

聖母慈恩傳准著人攙扶行禮今恭遇

聖母梓宮發引所行禮儀朕當親行以盡孝誠足

奏草

卷八

三

疾尚未痊可恐弗成禮捧請

神帛謁

祖著遣真官恭代朕遵奉

慈命用人扶掖攀送

聖靈卿等傳示侯拱宸潔虔敬慎奉行今諭卿等  
知欽此臣等仰見

皇上平日孝敬之誠及

聖母從來體恤之意可謂情禮兼盡矣今值

梓宮發引

皇上宜何如哀痛何如戀慕凡送終大禮豈恐有



一毫之不備一事之不說惟是

聖衷推毀之餘足疾未盡平復捧帛謁  
祖之禮委難躬行臣等卽遵

諭傳示

遣真官侯拱宸務仰體

聖心潔虔敬慎竭誠奉行其攀送

聖靈

皇上仍宜恭奉

慈命暫令左右扶掖行禮庶

皇上尊

奏草

卷八

三

祖之念得以少伸而

聖母在天之靈亦可終慰矣臣等竊見

皇上於喪事總總之際而

聖敬愈益祇肅

聖慮愈益周詳自非

純孝至德由於性生何能周旋中禮如此臣等益

不勝欽服所有

聖諭尊藏閣中謹具回奏以

聞

萬曆四十二年六月初八日

請用人夫擡

宮揭

臣等自

大明門步送

聖母靈輿因陰雨泥濘又器具不精人夫短少其  
行甚難該太監李恩永康侯徐應坤復撥營  
軍湊用稍得前進而軍夫不慣扛擡終是不  
便直至一鼓方到土城關若一路如此稽延  
非但

聖靈不安亦恐耽誤時日臣等與獻真使等計議

須

嚴令五城速撥精壯慣熟人夫三百名責令停當  
兵馬管押卽赴前途聽用雖于今日未必能  
及而明日亦不濟矣臣等愚見如此伏候  
聖明立賜裁斷臣等不勝顙望之至奉

聖旨朕昨攀送

聖母梓宮自午門一帶落雨至承天門外行禮畢  
回哀思

梓宮難行驚慌憂  
惟覽卿等執紼步送

聖母靈輿勞苦可  
那所奏添撥人夫前赴幫助協

濟應用尤見敬慎至意該部知道

萬曆四十二年六月初十日

請更換扛木揭

臣等昨見

梓宮起發方到上城心切憂慮誠恐營軍扛擡不  
慣再致稽遲故請行五城選撥人夫前往協  
濟尚書王象乾差人來言

梓宮昨夜未至清河以扛木將傷難以前進臣等  
不勝驚駭合宜急令該監選擇堪用木料派  
撥夫匠前去修理更換庶行期不誤

聖靈得安伏望

皇上留神並將臣等前揭卽

賜批行不勝迫切仰望之至奉

聖旨著該監並工部官星夜前去料理不許怠玩  
誤事

萬曆四十二年六月初十日

梓宮安行揭

昨奉

聖旨知

皇上以

梓宮行遲心懷憂懼臣等不勝悚仄今早接得禮部揭帖謂

梓宮昨日未刻已到清河適見兵部尚書王象乾疏具言夫匠齊集

梓宮行甚穩妥象乾仍親自督率護送務期初十日  
前至沙河此見諸臣仰體



宸衷協心經理從此前進自可及時安駐無誤  
期伏望

皇上少紓

聖懷毋過憂慮保攝

聖體以仰慰

明靈至於臣等執紼躬送自是常分何敢言勞乃  
蒙

溫諭下頒殊深感激仍望

皇上將象乾疏卽刻

批發使中外曉然仰

聖靈安妥不致他疑

大典幸甚泰

聖旨朕昨因

梓宮行遲心甚憂懼今知卿等與諸臣協心經理  
督率護送無誤吉期知道了

萬曆四十二年六月十一日

恭赴

山陵題

主揭

該臣奉

命題

主臣素有足疼之疾前

傷尚未全愈此數日

步履更覺艱難惟是得爲

聖母供役不勝大幸卽一息尚存亦當勉已於

今早趨赴

山陵恭候十五吉期行禮前發引日偶值陰雨

靈輿行遲以致

聖心深懷憂念今連日精明人夫齊備

靈輿可以安行必不稽誤是亦

聖孝之所感動也伏望

皇上稍抑哀思以安

宗社臣不勝惓惓之至奉

聖旨覽奏知卿趨赴

山陵恭候題

主具見致身爲國赤誠忠慎朕心嘉悅目今典禮  
頻仍中外多事全賴老成匡濟拯扶時艱供事

畢卿宜遵屢旨卽入閣輔理以慰朕佇望至意  
勿得再有托陳該部知道

萬曆四十二年六月十三日

題

主復

命揭

奏爲題

主復命事

臣奉

欽命恭題

孝定貞純欽仁端肅弼天祚聖皇后神主於本月

十三日前詣

山陵十五日巳時掩

玄宮後恭題

神主訖是日天氣清明風物和美執事各官百凡  
悉飭臣亦送入

玄宮徘徊瞻翹

先帝之靈爽如存

列后之音容咸在歡然燕好當不異於生前儼若

仙遊亦奚戀於塵世蓋

皇上大孝已成始而成終卽

聖母全歸亦盡善而盡美此臣之所爲感觸興思  
而欲以仰慰

聖懷少解哀慕之念者也臣病患未痊力疾行禮

事完回還合當復

命已於今早扶掖赴

文華門叩頭所有下情容另疏陳請謹具題

知奉

聖旨覽奏知卿恭詣

山陵題

主禮畢

聖母大事全賴卿竭誠盡敬終始贊襄恭慎忠勤  
朕心嘉悅不已卿前恙已愈時事方殷閣務繁  
多需卿料理甚亟望旦夕卽出以慰朕懷慎毋



奏草

卷八

三

再陳該部知道

萬曆四十二年六月十八日

感觸

聖孝乞休第四十五疏

奏爲愚臣感觸

聖孝益動私衷哀懇

聖明亟賜放歸事臣觀

皇上之事

聖母尊養備隆志物無盡合四海九州以奉

長樂之歡者四十餘年可謂千古之僅見矣而且

當

違和之時虔請代之禱比

升遐之日動擗踊之哀鴻名顯號極典上儀凡可以自效于

聖母者更無一毫之不盡至于

靈駕啓行攀號撫送

山陵襄事延佇焦勞天地鬼神皆爲感動于斯時也凡戴顏面而爲人子者孰不自興其罔極之思而苟有人焉親恩莫報墳墓久荒乃恬然立于

聖明之朝不思引退豈非天下萬世之罪人哉請卽以臣言之臣海上孤生家世貧賤其生也

爲嘉靖己未之年適當倭亂室廬焚燬人民  
逃竄臣母懷臣彌月爲倭所迫徒步奔馳產  
臣于曠野旁無一人自斷其臍復抱之而走  
野棲露宿饑餓不支更數日臣父始覓得之  
相與扶携逃生屢窘于倭幾死而免者數四  
如此五六年倭難始息又值荒年殍死無數  
臣父母減衣損食課臣讀書臣備員詞林父  
母相繼淪沒未嘗受臣一日之養草率營塋  
不能成禮自除服補官二十餘年南北仕宦  
不得一登先人之丘壠荒塋頽廢洪水漂流

每一念及痛心刺骨人皆有父母臣之父母  
劬勞獨甚人皆有子臣之爲子不孝亦獨甚  
皇上大孝錫類及于普天柰何獨使臣向隅而無  
訴乎臣自入綸扉再承

寵命每欲躬奉

璽書匍匐墓次一告先人之靈而後葺治封樹小  
構墓廬長依先人魂魄以沒世庶幾少償疇  
昔之愆卽溘然而死亦無所憾此臣之所泣  
血哀鳴屢瀆

君父而不能自己者也如

皇上堅不放臣使臣困死長安永爲不忠不孝之鬼將何顏面見臣父母于地下乎其干

皇上亦何利之有

皇上臨御以來輔臣得請而去者頗多其不得請者率鬱悶以死天下人于得請者咸頌

皇上之慈仁于死者每恨其退休之不蚤而亦惜皇上之過于牽留使其喪身辱名而後已也

皇上之恩臣如此愛臣如此試爲臣謀將何居乎

臣往歲不去猶曰綸扉無人今春不去猶曰藩封未啓日者不去猶曰

奏草

卷二十六

五

山陵事重今皆竣矣若復不去是真無禮無義之尤不容于堯舜之世者矣臣言及此有淚萬行伏望

聖慈蚤

賜俞允臣不勝激切祈懇之至奉

聖旨朕以

山陵禮畢望卿卽出贊襄何爲復有此奏卿乞歸展墓具見孝思朕非不體念但大臣當以國事爲重義不得復顧其私况今煩議漸消群情稍輯正賴卿從容調燮濟世和平何故堅持去志

立俟入閣慰朕眷倚之懷吏部知道

萬曆四十二年六月十九日



山陵事完恭慰疏

奏爲

大禮告成恭慰

聖懷事臣等竊觀

皇上自

聖母升遐不勝哀慕卽昨奉迎

神主還京午門跪接情禮兼盡真

帝王之盛節也今大事已襄

慈靈安妥其在

聖心亦可少慰大小臣工咸望

奏草

卷五

三

皇上勉抑孝思

留神政務于以保

聖躬而

隆化理此實

宗社蒼生之大幸也臣等忝備股肱不勝惓惓之

至奉

聖旨朕覽卿奏慰具見忠誠敬慎至意知道了禮  
部知道

萬曆四十二年六月二十四日

乞休第五十疏

奏爲臣義決不可留但求

蚤放事臣杜門三月遷延不去只爲

聖母大事未襄今已襄矣臣感觸

聖孝欲乞此骸骨歸死於先人塚墓之傍具疏懇

請其間所述臣父母養鞠之艱難流離顛沛

之情狀百未盡一然字字皆真臣之鄉人無

不知之非臣今日敢爲飾說以欺

君父也竊意

聖明覽之必惻然動念卽放臣歸乃復奉

溫旨督臣人閣臣捧讀泣下悲傷欲絕自憐自悼  
臣之微誠不足動

天乃至於此夫使臣奉

命勉強可少補於國事則昔人有移孝作忠之說  
猶可以藉口也乃臣平日旣無孝之可移今  
日不忠之罪又更甚於不孝累

君累國累已累人強留一日卽添一日罪案此合  
智愚賢不肖憎臣愛臣之人所共知者臣獨  
無良心而能赧顏以居此乎

明旨責臣以國事爲重不得顧私不知臣之決去

正所以爲國非爲私也以

皇上至孝光昭精神孚格鸛鳴且革其性豺狼猶  
變其心而臣二十年離鄉背井拋棄墳墓恬  
然不歸公私俱失忠孝兩虧非但得罪於士  
紳不容於

聖世旦夕者化爲飛禽淪爲走獸卽鸛鳴豺狼且  
羞與爲類矣臣言至此斷無復留之理伏望  
聖慈哀憐矜憫卽放臣歸臣父母有知亦生生世  
世銜結地下也至於煩議之消與不消群情  
之輯與不輯臣去國之人何敢知焉臣不勝

奏章

卷六

胃死哀鳴懇切之至

萬曆四十二年六月二十四日

請加恩侯駙馬揭

適蒙

發下駙馬都尉侯拱宸復

命本臣等竊謂

山陵大禮

皇上極其慎重拱宸自受與獻之

命竭誠行禮朝夕無違對越駿奔始終有恪是真

能仰體

孝思無負委任矣臣等猶憶

孝安皇后發引時拱宸亦克與獻使一人而再遇

奏草

卷六

三

大禮兩承

明命尤從來所無

皇上似宜少加恩禮以酬其勞是亦慎重

大禮之一端也惟是駙馬加恩之例或

賜肩輿或無資銀幣皆出一時

特恩非臣等所敢擅擬謹將原本封進恭候

聖裁如以臣等所言不謬或徑賜

御批或

傳示臣等擬票臣等不勝冒昧懇祈之至

萬曆四十二年六月二十五日



請撤稅監及爲各官給憑揭

臣竊念

朝廷之所以立惟此紀綱今稅使脅辱巡撫繫  
繯職官凡在見聞無不驚駭若縱其仍在地  
方不行罷撤則紀綱漸弛禍亂必生昔魏羽  
林軍燒張奭第竟置不問高歡遂散財結客  
魏以大亂臣等以爲宋之荼毒一方其罪猶  
小而壞

朝廷之紀綱其罪爲大  
臣等再三苦請不獨爲  
一方生靈惜實爲

奏草

卷三六

國家安危計也

皇上卽不暇恤此一方而念及紀綱念及安危其能以憇然乎如

皇上以竊故危天下壞紀綱其何辭以對

祖宗列聖之神靈乎前奉

明旨許臣卽有處分業已再旬豈可更遲延不決  
今海內苦權稅已極其引領停罷如在湯火  
者之求生

皇上卽未肯遽停且將福建廣東二省稅銀責令  
有司徵解其沾被

聖恩亦自不淺耳至於二月四月急選大選併教職千有餘人候憑日久困苦不支人情驚囂謂從來未有之事

皇上試思此各官者可使之終困長安竟不到任乎計

聖心亦知其必無之理矣則何如蚤發遣一日使各官得蚤行一日免一日之淹留也目前緊要事甚多獨此二事更不容緩故臣敢復冒昧言之伏望

聖明蚤賜裁斷臣不勝祈懇之至

奏草

卷二十六

三

萬曆四十二年六月二十五日

止 福藩食鹽揭

適蒙

發下

福王一本

上傳出旨准他 臣等細閱本中大槩欲將

欽賜食鹽開店貨賣此其事之可行與否 臣等尚

未及致詳惟是以

藩國之尊而下使商賈之事以食租衣稅之富  
而爭取錙銖之利於體統亦甚褻矣况差官  
支取或滋夾帶之奸定價貿易終無兩平之

理至於欲移潞藩鹽店於別府恐於人情事體尤屬不便此其關係地方利害非細故也

臣等愚意似宜

勅下戶部酌議可否具奏取自

聖裁方爲穩妥謹擬票呈

覽恭候

聖明批發臣等不勝惶恐之至

萬曆四十二年六月二十九日

乞休第五十一疏

奏爲愚臣求去情迫萬難停留懇

恩亟允事該臣屢次蒙

恩慰留每奉一番

溫綸卽增一番愧苦使臣萬分中有一分之可留  
有一分之能留豈敢復有塵瀆思之又思惟  
有一去則公私兩便故冒昧再陳一二家人  
數扛行李皆整頓以待惟

僉音朝發而臣可夕行矣乃顚候數日未蒙  
賜允豈

聖心以驅使年久

君臣情深不能卽割耶臣聞之君臣猶父子也父之愛子教以義方君之愛臣全其終始臣八載叨塵蒙

恩已極未有寸報今日得去尚可苟延殘喘幸免譴誅如濡恐不決則罪釁日增莫知所稅駕矣昔之人臣求去有言三宜休五不可留人主皆不奪其志今臣之宜休何止於三而其爲不可留又豈但五區區下衷誠願及

皇上之念臣也而故臣歸使臣得就死先人塚墓



以少盡人子之心天下人孰不頌

皇上之仁明能以禮待臣進退去就未至決裂也  
又何必過於牽留如慈父之以姑息爲愛而  
終敗其子也哉臣前後來去之疏已百餘通  
皇上之特諭與

批答臣疏凡千萬言臣稟而讀之一字一淚蓋臣  
之請與

皇上之留其辭皆已兩窮而無可復措臣非但自  
苦亦苦

皇上矣惟望

皇上察臣之情度臣之勢憫臣積勞久病速放臣  
歸臣雖跼伏海濱耿耿之私固無一日不在  
皇上左右卽

皇上念臣在

朝在野亦何以異乎何必繫臣於此爲也臣不  
勝悚息屏牀塵瀆之至奉

聖旨朕以卿獨任有年忠勞可念故特允所請增  
置二輔共效贊襄今道南未卽至卿若必去政  
本仍復乏人豈前日求補之意且潔身體國孰  
爲重輕卿宜亟挽去思卽出輔理稱朕始終倚

毗之懷該部知道

萬曆四十二年七月初二日

新序卷之二十八